

КАНОНЫ БОЖИЕЙ МАТЕРИ НА КАЖДЫЙ ДЕНЬ

Расположенные по гласам и дням седмицы

ГЛАС ВТОРЫЙ

В СУББОТУ	1
В НЕДЕЛЮ	4
В ПОНЕДЕЛЬНИК	6
ВО ВТОРНИК	9
В СРЕДУ	11
В ЧЕТВЕРТОК	14
В ПЯТОК	16

В СУББОТУ¹

Канон Пресвятей Богородице
Егоже и от оклеветания, в печалех и напастех сущии да поют

Песнь 1

Ирмос: Во глубинѣ постла иногда, фараонитское всебинство преоруженная сила, воплощенное же Слово всезлбный грех потребило есть: препрославленный Господь, славно бо прославися.

Припев: Пресвятая Богородице, спаси нас.

Яже всем удобь послушная в скорби и в печали помогающая, Богородице Благая, благодать подаждь пети Тя дерзающим, Владычице, скорбящих радосте.

Многобогатную благодать стяжавши, Владычице, дерзновенною Твоею молитвою, преславно изми мя от напастей, убогаго раба Твоего, скорбящих радосте.

Слава: От враг видимых и невидимых избави, молимся, к Тебе прибегающих Богородице, и разори всяк совет борющихся нас.

И ныне: Отыми поношение человеческое и клеветы наветник от мене, Богородице, молю Тя: да усердно славлю Господа, Егоже питала еси.

Песнь 3

Ирмос: Утверди нас в Тебе, Господи, древом умерщвей грех, и страх Твой всади в сердца нас поющих Тя.

Врагов наветы разори суетныя, Всепетая Богородице: не оскудей молитвами Твоими, снабдящи нас, восхваляющих Тя.

Призри, Чистая, милостивным Твоим оком, и избави мя всякаго навета видимых и невидимых врагов, ослепивши зеницы очес их.

Слава: Злое нападение врагов, яко огонь палящее, ищущих всегда погубити нас, Дево, росую молитв Твоих угаси.

И ныне: Неугасимая лампадо, заря присносиятельная, ноцию мя скорбей одержима, просвети молитвами Твоими, рождшая Солнце славы, Христа.

¹ Т. е. канон следует читать в субботу вечером, под воскресенье. Все каноны читаются вечером указанного дня. Слово «молебный» в названии канона означает, что Устав предполагает его исполнение на молебне.

Песнь 4

Ирмос: Услы́шах, Го́споди, глас Твой, е́гоже ре́кл еси́, глас вопи́ющаго в пусты́ни, я́ко възгреме́л еси́ над вода́ми мно́гими, Твоему́ свиде́тельствуяй Сы́ну, весь быв соше́дшаго Ду́ха, возопи́: Ты еси́ Христо́с, Бо́жия му́дрость и си́ла.

Спасе́ния Тя мост, моли́тву неусы́пну, заступле́ние твёрдо мо́лим: умилосе́рдися и виждь на́шу нестерпи́мую печа́ль, боле́зни, ско́рби, стра́сти, и благопреме́нно посети́, Ма́ти Бо́жия, ра́дость ско́рую подаю́щи.

Не неприча́стни есмы́, Влады́чице, Твоего́ заступле́ния в ско́рбех: те́мже и ны́не нам помози́ вско́ре, лю́те обурева́емым ру́ку простира́ющи, Чи́стая: бу́ди ми́лостива боле́знем на́шим, Ма́ти Бо́жия, ра́дость ско́рую подаю́щи.

Слава: Не упова́ша, Влады́чице, на Тя беззако́ннующи, но упова́ша на язы́к велере́чив, на язы́к челове́чь, присно зави́стно изли́вшийся, непра́ведно проли́яти кровь и́скренняго, рыка́юще: Ты же, Чи́стая, че́люсти их сокруши́.

И ны́не: Смири́, Влады́чице, враго́в вознесе́нную вью́ велере́чующих, сове́ты и злонра́вия, и сердца́ поуча́ющаяся злым на мя по вся дни: кре́пость же и побéду пода́ждь призыва́ющим Тя, Ма́ти Бо́жия, ра́дость ско́рую подаю́щи.

Песнь 5

Ирмос: Угль Иса́ии проявле́йся, Со́лнце из де́вственныя утробы́ возсия́, во тьме заблуж́дшим, Богоразу́мия просвеще́ние да́руя.

Моли́твеннице нело́жная, упова́ние христиа́н, обра́дованная, приими́ мольбы́ от нас, приле́жно призыва́ющих и моля́щихся Тебе́.

Исто́чник Тя жи́зни су́щи, Чи́стая, безсме́ртная исто́чающий во́ды, земноро́днии позна́вше, ублажа́ем.

Слава: Воору́жися на ны лука́вно враг, язы́ком, я́коже мече́м, погуби́ти хотя́: но Твоею́, Богороди́тельнице, кре́постию предва́ри.

И ны́не: Пучи́ну, Чи́стая, заступле́нию кто изочтёт си́лы Твоея́? Те́мже нас су́щих в нужде́ ско́ро предва́ри.

Песнь 6

Ирмос: В бе́здне грехо́вней валя́ясь, неизсле́дную милосе́рдия Твоего́ призыва́ю бе́здну: от тли, Бо́же, мя возведи́.

Целому́дрья су́щи ходата́ица, призыва́ющим Тя ны́не явися́ и от вся́ких изба́ви напáстей и бед, Богоневéсто.

Злоде́йства вра́жия разори́ и клеветы́ непра́ведныя уста́ви, благослове́нная Пречи́стая, избавля́ющи непови́нныя от ско́рби.

Слава: Лю́тыми грехи́ окру́жени и напáстными беда́ми потопля́еми, под боже́ственный покрóв Твой прибега́ем, Ма́ти Христа́ Бо́га.

И ны́не: Неискусому́жно ро́ждши Го́спода, явися́ по Рожде́стве па́ки де́вствующи: О пресла́внаго чудесе́, в Тебе́ соде́ланнаго, Богоневéсто!

Таже: Го́споди поми́луй, *трижды.* Слава, и ны́не

Седален, глас 2:

Моле́ние тёплое и стена́ необори́мая, ми́лости исто́чнице, ми́рови прибе́жище, приле́жно вопие́м Ти: Богороди́це Влады́чице, предва́ри и от бед изба́ви нас, Еди́на вско́ре предста́тельствующая.

Песнь 7

Ирмос: Да пресла́вное Рожде́ство Твое́, Христé, е́же от Де́вы, прообрази́ши я́ве,

неопалимы в пещи отроки сохранил еси, песнями поющая Тебе: отцев Божие, благословен еси.

От благоутробия Твоего, Дево Чистая! решиши бо безмерныя печали и напасти призывающим в нужде и обстоянии: темже и ныне помози, Благословенная, Ты восхваляющим.

Покажи скорое Твое заступление, покажи, яко можеш, яко Мати Богу, призываем Тя от сердца, со слезами припадающе, скорбь укроти и болезнь рабов Твоих вскорее.

Слава: Уста человеком яко львом лютым, гроба тяжчайше отверзюшася, горько поглотити мя: но Ты, Богородице, явися надежда ненадеющимся и низложи крепость их, Благословенная.

И ныне: Да узрят врази и постыдятся, да разумют и видят Твою, еже по нам сопротив борющую силу, и в пропасть преисподнюю низложи их, Благословенная, надеждо ненадеющихся.

Песнь 8

Ирмос: Пещь иногда огненная в Вавилоне действия разделяше, Божиим велением халдеи опаляющая, верныя же орошающая, поющая: благословите, вся дела Господня, Господа.

Прибежище наше и миру радование, Богородительнице, умилосердитесь потщися, и спешно благодать Твою подаждь нам оскорбленным, и заступи, Благая, Твоя рабы.

Совет суетен совещаша люте на ны безбожных сонмища, якоже прежде Ахитофел. Но вопием: Твоими молитвами сей разори, низложши сих крепость, Богородице.

Слава: Призывающих Тя, Богородице, от души неложно, во всякой скорби и в болезнях различных, и бедах лютых, спешно услыши, Владычице, сих избавляющи присно молитвами Твоими.

И ныне: Да имя Твое, Богородице, на земли славословится, Иже из Тебе возсияв, грешником державную надежду и стену Ты дарова: Тобою бо всякое дыхание к Богу притекает.

Песнь 9

Ирмос: Недоумет всяк язык благохвалити по достоянию, изумевает же ум и премирный пети Тя, Богородице: обаче Благая сущи, веру приими, яко любовь веси божественную нашу, Ты бо христиан еси предстательница, Ты величаем.

Да заградится всяк язык, лукавым поучаяйся: да молчат устна льстивая и уста неправедно глаголющая на праведнаго беззаконие, гордыню и завистию враждебною вкупе, Богородицы молитвою, и святых Христовых.

Иже в молитвах бодрю, Чистую Богородицу призываем вси болезнию и скорбию одержими, взывающе: Владычице Чистая, скоро избави от одержавших болезней рабы Твоя присно, яко по Бозе заступницы инья не имамы.

Слава: Отчаявшихся велие прибежище, обуреваемых тихое пристанище Ты еси, Богородице. Темже и мы притекаем, взывающе: да не постыдимся, Мати истиннаго Живота, но да благодаряще усердно Тя величаем.

И ныне: Приими, Отроковице Пречистая, божественную песнь, воздающе благодать на Тя надеющимся, и мир испроси Церквам присно послати, да христианский всяк язык Тя величает.

В НЕДЕЛЮ
Канон похвальной Пресвятей Богородице¹

Песнь 1

Ирмос: Во глубинѣ постла иногда фараонѣтское всевоинство преоруженная сила, воплощенное же Слово всезлюбный грех потребило есть, препрославленный Господь, славно бо прославися.

Припев: Пресвятая Богородице, спаси нас.

Вообрази из Тебѣ по нам Солнце не вечернее, Ты словесное Небо и светлейшее явственне показало. Темже мя избави страстного смрада: яко да воспую любовь Ты, Едину Матерь Деву.

Иже Источник милости Христа, Пречистая, рождши и Едем человеком отверзши, двери отверзи ми милости Твоея, Богородице, и даруй согрешений прощение, Владычице миру.

Слава: Клецу, мысленный Угль носившую и человеческое естество очистившую, молю Тя, Владычице: многих моих прегрешений скверну омой и от оскверняющих страстей избави мя молитвами Твоими.

И ныне: Моих прегрешений пленицы расторгни, Владычице, Твоего Сына и Бога молящи, и томящий мя грех низложи Приснодево: яко да воспую Тя всегда Пренепорочная, спасаемь.

Песнь 3

Ирмос: На камени мя веры утвердив, расширил еси уста моя на враги моя, возвесели бо ся дух мой, вегда пети: несть свят, якоже Бог наш, и несть праведен паче Тебѣ, Господи.

Мглу страстей моих и омрачение отжени зарями молитв Твоих и просвети мя, Пречистая Владычице, рождающая возсиявшего прежде денницы Христа, от солнца Солнце незаходящее.

Прогоняющее оружие грехи и страсти души моя буди, Дево: и покажи мя якоже другой рай, безнаветен и соблюден Тобою и приносящ цветы Духа.

Слава: Возставила еси, Пречистая, Твоим Рождеством скинию падшую и сокрушенную, Давида Твоего праотца: темже возстави, Богородице, и мене, раба Твоего, сокрушенного страстьми и прегрешении.

И ныне: Простерши руку благоутробия, прими мя, Богородительнице: и всякого исхити осуждения к Тебѣ прибегающего, и Тебѣ припадающа, и призывающего Твою помощь.

Песнь 4

Ирмос: Пою Тя, слухом бо, Господи, услышах и ужасохся: до мене бо идеши, мене ищя заблудшаго. Тем многое Твое низхождение, еже на мя, прославляю, Многомилостиве.

Квас человеческого естества нескверный и святой, от негоже прием тесто, созда его Зиждитель, и мне страстей скверну омой, и кал прегрешений моих очисти.

Пленицу страстей моих разреши, Владычице, и вериги грехов моих расторгни оружием молитв Твоих, Христа рождающая, подающего избавление связанному во аде.

Слава: Лечбою молитв Твоих Владычице, и пластырем и маслом души моя струпы и язвы греховныя ныне исцели, Чистая, яко рождши Богоначальную Цельбу естества.

¹ Творение Митрофана, митрополита Смирнского.

Краегранесие канона: *Митрофан, пою Тя, Владычице Богородице.* – Краегранесие (акростих) – фраза, составляемая из начальных букв каждого тропаря греческого оригинала канона. В настоящем каноне порядок тропарей славянского Октоиха изменен для соответствия оригиналу.

И ныне: Страсти души моея исцели, омрачившия мя преокаянне: и помысл просвети, далече отгоняючи, Чистая, тьмы бесов, оскорбляющих мя и по вся дни сети простирающих мне.

Песнь 4

Ирмос: Просвещение во тьме лежащих, спасение отчаянных, Христэ Спасе мой, к Тебэ утренюю, Царю мира, просвети мя сиянием Твоим: иного бо разве Тебэ Бога не знаю.

От клятвы древния мир яко избавила еси, Владычице, миру благословение, Христá рождшая: помышлению безместных избави мя и всякия печали, Едина бо еси верных радование.

Буря люта развращений, духов лукавствия, мою мысль смущает: предвари скоро и утиши сию, рождшая всякия твари Единаго Кормчия, Христá всеильнаго.

Слава: Возсияй ми свет покаяния, Богородительнице, во тьме погубительней затворенному: даруй руку помощи лежащему и Твоими молитвами воздвигни мя, Чистая, творити Божия оправдания.

И ныне: Окружает бесовский полк град души моея и разпленити зело покушается: преславная Владычице, граде всех Царя, оградí мя столпными стенами, Твоими молитвами, и спаси.

Песнь 6

Ирмос: В бездне греховней валяясь, неизследную милосердия Твоего призываю бездну: от тли, Бóже, мя возведи.

Яко Жизнь вечную рождши, Пречистая, от тела души моея исходящей, смерть Твоими молитвами умертви.

Стропотныя стези шествовавшего к правей стези настави, Яже Путь жизни рождшая, Христá Бóга нашего.

Слава: Ловит, искушая, мя змий человеконенавистный: сего упраздни, Владычице, яко рождши главы Сокрушшаго змиев.

И ныне: Души моея страсти исцели и печали недоумение победи, Яже Бóга рождшая на спасение человеком, Пречистая.

Тоже: Господи помилуй, *трижды*. Слава, и ныне

Седален, самоподобен. Глас 2:

Милосердия сущи источник, милости сподоби нас, Богородице, призри на люди согрешившия, яви яко присно силу Твою: на Тя бо уповающе, радуйся, вопием Ти, якоже иногда Гавриил, безплотных Архистратиг.

Песнь 7

Ирмос: Телу златому премудрыя дети не послужаши и в пламень сами поидоша, и боги их обругаша, среди пламене возопиша, и ороси я ангел: услышася уже уст ваших молитва.

Тя дверь ведый мысленнаго Востока, с Небесé явльшуюся, внити в Небесá Тобою, Дéво, раб Твой молюся: темже приими мя, Владычице, и светом настави.

Смущает ми ум и колеблет душу волна страстей: но рождшая море волнующееся повелением Божественным Обуздавающаго, Дéво, к тишинé преложи безстрастия и плотское устави смущение.

Слава: Не престай, Чистая, молящи от Тебэ рождшагося Бóга о íже верою притекающих к Тебэ и просящих избавления, Едина заступнице миру, отчаянным надежда и заступление, обуреваемым в лютых присно помощь.

И ныне: На Крестé Христос Сын Твой распенся волею, начала тьмы посрами и

смѣртную разруши́ тлетво́рную си́лу: Имже, Влады́чице Пречи́стая, стра́стное моѣ плоти́ мудрова́ние умертви́.

Песнь 8

Ирмос: О подоби́и злате небре́гше треблаже́ннии ю́ноши, неизме́нный и живы́й Бо́жий о́браз ви́девши, среди́ огня́ воспева́ху: осущество́ванная да поёт Го́спода вся тварь и превозно́сит во вся ве́ки.

Вода́ми живото́ными, изсо́хшее моѣ се́рдце грехо́вным пла́менем, Ты напо́й, Де́во Богоро́дице, во умиле́нии всегда́ соблюда́ющи мя, со стра́хом пою́ща: да поёт Го́спода вся тварь и превозно́сит Его́ во ве́ки.

Божество́нный Ковче́г носивши и Скрижа́ли Завета́, неопи́саннаго Сы́на Твоего́ Христа́, Де́во, Сло́во Бо́жие Пречи́стое, Сему́ написати́ся, я́коже на дще́ души́ моея́ сотвори́ персто́м Бо́жиим, Твои́ми моли́твами.

Слава: Богоде́ланная ски́ние, су́щая Свята́го святы́х, показавша́го дре́вния ски́нии о́браз, Архиере́а вели́ка внутре́ иму́щи, моѣ се́рдце, Де́во, яви́ Вы́шняго и всех Царя́ Христа́ ски́нию святу́.

И ны́не: Усече́ся от Твои́х ложе́сн, Пренепоро́чная Влады́чице, я́ко от горы́, честны́й Ка́мень, и столпы́ вся́кия преле́сти, я́ко Вседержи́тель Еди́н Всеси́льный сокруши́: Имже ны́не о́бразы́ страсте́м потреби́ души́ моея́, мы́сленных враг сокруши́вши че́люсти.

Песнь 9

Ирмос: Я́же пре́жде со́лнца свети́льника Бо́га возсия́вшаго, плоти́ски к нам прише́дшаго, из боку́ Девичу́ неизрече́нно воплоти́вшая, благослове́нная Всепе́тая, Тя, Богоро́дице, велича́ем.

И́же безплотных существа́ я́ко Бог составле́й, из Тебе́ Де́во Отрокови́це, воплоти́ся. Те́мже изба́ви мя плотска́го страсте́й обстоя́ния и плотска́го мудрова́ния, Твоего́ раба́ Твои́ми моли́твами.

Правды́ Со́лнце, Чи́стая, Христа́ возсия́ла еси́, и Не́бо показáся пресве́тло, Имже но́чь страсте́й мои́х Твои́ми моли́твами разори́, и ду́шу мою́ просвети́, и се́рдце моѣ озари́ и уясни́.

Слава: Суди́, Богоро́дице, и препри́ люта́го моего́ сопоста́та, и от того́ мя оскорбле́ния изба́ви: Судию́ бо Благо́го и Пра́веднаго родила́ еси́, И́же в не́дрех Божества́ Осудивша́го смерть.

И ны́не: Разруши́ла еси́ Евину́ печа́ль, Ада́ма Но́ваго ро́ждши, пре́жде Ада́мово естество́ Созда́вшаго. Те́мже разреши́ и мои́х прегреше́ний рукописа́ние, напа́стей и скорбе́й и страсте́й мя свобожда́ющи.

В ПОНЕДЕЛЬНИК Канон Пресвятей Богородице¹

Песнь 1

Ирмос: Во глубине́ постла́ иногда́ фараонитское́ всево́инство преору́женная́ си́ла, вопло́щенное́ же Сло́во всезло́бный грех потреби́ло есть, препросла́вленный Госпо́дь, сла́вно бо просла́вися.

Припев: Пресвята́я Богоро́дице, спаси́ нас.

Похвале́ния Ти при́сноцвету́щий вене́ц, егоче́ прозябе́ Ду́хом Це́рковь, Чи́стая, прино́сит пе́сенно Тебе́ со арха́нгелом Гаври́илом Богоневе́стней, ра́дуясь, пою́щи и

¹ Творение монахини Феклы.

Тя чéстно венча́ючи.

Воздéлавши живонóсный Виногра́д, Ма́ти Бóжия Препéтая, Христá Бóга, землé Святáя Отча яв́ися пáче смýсла, Богоблагодáтная, и весь мир напо́й п́ива живонóснаго, Ч́истая.

Слава: Волну́ющагося лю́те прегрешéнии всего́ м́ира, и потопля́емаго, родила́ еси́, Преч́истая, Бóга и Гóспода всех нас и окорм́ителя Христá, ко спас́ительному пристáнищу нас направля́юща вéрно.

И ныне: Прибéжище и спасéния гра́де, вси вéрно мо́лим Тя, Мари́е Ма́ти Бóжия, и м́или дéемся тéпле: прими́ мольб́ы на́ша, Тво́их вéрных раб, и разреши́ вся ны от прегрешéний осуждéния.

Песнь 3

Ирмос: Утверди́ нас в Тебé, Гóсподи, дрéвом умерщвéй грех, и страх Твой всади́ в сердца́ нас, по́ющих Тя.

Начáло отвращéния Бóга бысть к челове́ком Евино прельщéние: Святáя же Богородица приведе́ па́ки Бóга к нам.

Ж́изни Тя Сокрóвище, Препéтая, ражда́ет м́ирови, и раду́ется благочáдию сла́вный Иоаќим о Тебé, я́ко непло́дными отц́и пришéдши наде́жда.

Слава: От Анны́ радóсть рóду процветé, ражда́еши Дéвою Царя́: и сра́дуются Рождеству́ Твоему́ жены́, разреш́шася Тобóю кля́твы.

И ныне: Купина́ в Сина́и прообража́ше Твоé, Дéво, пресла́вное Рождество́: и́бо огнéм Божества́ не опали́ся, в ложесна́х приéмши, Ч́истая.

Песнь 4

Ирмос: Услы́шах, Гóсподи, сла́вное Твоé смотре́ние и просла́вих, Человеколю́бче, непостиж́имую Твою́ си́лу.

Иа́ков Тя я́ко лéствицу боголéпно провидя́ше, Дéво, на ея́же версе́ Бог утвержда́шеся.

Ангельское сн́итие, е́же к нам Сло́ва пришéствие Тобóю, Преч́истая, прояв́ися.

Слава: Утрóба Тво́я препéтая и сосца́ блажéнна, Дéво: тех бо ра́ди жизньъ вси обрето́хом.

И ныне: Та́инственно воспева́ем Тя, Ма́ти Бóжия, гласами́ Правосла́вия, Егóже Цéркви соблюда́й моли́твами Тво́ими.

Песнь 5

Ирмос: Просвещéние во т́ме лежа́щих, спасéние отча́янных, Христé Спа́се мой, к Тебé у́тренюю, Царю́ м́ира, просвети́ мя сия́нием Тво́им: ино́го бо раз́ве Тебé Бóга не зна́ю.

Зако́на и ковчéга честн́ейшу Тя воспева́ем, Богороди́це Мари́е: и́бо всех Зижд́ителя и Бóга, я́ко скрижа́ли, носила́ еси́, Препéтая.

Престо́л Тя Бóжия Сло́ва прославля́ем, Богороди́це, на нéмже я́ко Чело́век Бог седа́ яв́ися, и бысть херу́вимов превы́шши.

Слава: Разреши́ла еси́, Дéво, от го́рькия рабóты весь род чело́вечь, и свобóдою Христовóю естество́ жéнское почтила́ еси́, в Божéственном Твоéм Рождестве́.

И ныне: Родила́ еси́ Сы́на Дéва, и побежда́ют жены́ врага́ я́ве: тёмже и притека́ют Отрокови́це, дéвство держа́ще.

Песнь 6

Ирмос: В бéздне грехóвней валя́йся, неизслéдную милосéрдия Твоего́ призыва́ю бéздну: от тли, Бóже, мя возведи́.

Я́же м́иру радóсть, Богороди́це Ч́истая, раду́йся, Тебé, Дéво, зовéм со а́нгелом

вѣрно, Твоея радости сподоби, и печаль нашу разори.

Радости неотъемлемая жилище Тя восхваляюще вѣрно, Мати Приснодево, Твоея радости сподоби и печаль нашу разори.

Слава: Небо небес вышшее явилася еси, Богоневестная, Божественною Твоею славою: в Тя Бог наш вселився, явися ми.

И ныне: Ныне естество женское возрадовася, ныне печаль преста, радость процветет: яко Марія роди Радость, Спаса Христа Бога.

Таже: Господи помилуй, *трижды*. Слава, и ныне

Седапен, глас 2

Подобен: Милосердия сущи:

Души моя лѣность лютую и сердца моего пренемогание, Мати Божия, воззревши, исцели молитвами Твоими и спасенных мя части сподоби, избавляющи мя тьмы и мучения, яко Единая упование мое и утешение.

Песнь 7

Ирмос: Образу златому на поле Деире служиму, трие Твои отроцы небрегоша безбожнаго веления, посреде же огня ввержени, орошаеми пояху: благословен еси, Боже отец наших.

Руно иногда Гедеоново, еже на Тя, Чистая, Божия Слова прообрази снिति: якоже бо росу, зачатие прият, нетленная Дево. Темже вси Тебе зовем: благословен Плод Твоего чрева, Чистая.

Нова и страшна, и верна и чудна Твоя таинства, Марие, Мати Христа Бога нашего: яко Тобою примирюхся еси Богови и Владыце, и со ангелы ныне поем: благословен Плод Твоего чрева, Чистая.

Слава: Иже прежде Гедеон предвествует Тебе, Чистая, Божественное Рождество яве: окрин приношает исполнен воды от ожеждения руновнаго: весь бо в Тя Божественно вселися, Пречистая: благословен Плод Твоего чрева, Чистая.

И ныне: Родши Бога и Спаса всяческих Марие, была еси отчаянных исправление, грешников обновление, и ненадежных надежда, и поющих помощь: благословен Плод Твоего чрева, Чистая.

Песнь 8

Ирмос: В пещь огненную ко отроком еврейским низшедшаго, и пламень на росу преложшаго Бога, пойте, дела, яко Господа, и превозносите во вся веки.

Нов рай нам явилася еси, Пресвятая Богородице, не смертное древо, но животное, яко сад, без семени прорадивши Господа, Имже безсмертною жизнью питаемся вси.

Воспеваеет вся Христова Церковь, Богородице, Твое Рождество, яко спасаются грешнии вси и нищии, иже любовь к Тебе прибегающе: прииде бо Христос на землю человеки спасти.

Слава: Свободается осуждения прабаба Тобою Богородице Дево: и се ныне жены страждут по Христе и радуется естество женское, якоже первомученица вопиет Фекла.

И ныне: Никтоже погибе, Чистая, иже веры надежду стяжа к Тебе православно, Дево Мати Божия, разве точию завистию отменяйся, Твоему не поклонятися образу начертанному.

Песнь 9

Ирмос: Яже прѣжде со́лнца Свети́льника Бо́га возсия́вшаго, плóтски к нам пришѣдшаго из боку́ Девичу, неизречѣнно воплотившая, благословѣнная Всечистая, Тя, Богородице, велича́ем.

Приклони́ ми у́хо Твое́, Дѣво Пресвята́я, воспева́ющему вѣрно похва́льными словесы́ Твое́ Рождество́: и, я́ко да́ры вдови́чи, песнь устен мо́их приѣмши, проси́ грехо́в мо́их прощѣния.

Сия́ет добро́та Твоя́, блиста́ет чистоты́ свѣтлость, Чи́стая, и пресия́т па́че сих Твое́ Рождество́: Бог бо, Творе́ц со́лнца и тва́ри всея́, из Тебе́ роди́ся: те́мже Тя вси велича́ем.

Слава: Свет Тя чистоты́, и жезл дѣвства, и Ма́терь Бо́жию боголѣпно в пѣснях пою́ще, Богородице, со гла́сом хвалѣния мо́лимся Ти: в дѣвстве утверди́ нас и в чистотѣ сохрани́.

И ны́не: Тѣло и ду́шу несквѣрну Бо́гови соблю́дши, Чи́стая, Царь восхотѣ Твоея́ добро́ты Христос, и Ма́терь Своего́ вопло́щения показа́, Мари́е пресла́вная, спасѣние моѐ соверша́я.

ВО ВТОРНИК

Канон Пресвятей Богородице

Песнь 1

Ирмос: Грядите лю́дие, поим песнь Христу́ Бо́гу, раздѣльшему мо́ре и наста́вльшему лю́ди, я́же изведе́ из рабо́ты египетския, я́ко просла́вился.

Припев: Пресвята́я Богородице, спаси́ нас.

Сло́во моего́ приобретѣния отню́д несть к песносло́вию, Всечистая, я́ко покрыва́ет мя грехо́в мо́их тьма: но, о Богороди́тельнице! утесня́ема приими́ мя.

Под Твой покрóв прибега́ю, Пречистая, от грех безчи́сленных в конѣц, и Бо́га и Влады́ку благопре́мнна сотвори́, Чи́стая, и спаси́ мя.

Слава: Ты мне, Влады́чице, тѣплое очисти́лище, к Тебе́ прибега́я, спасу́ся и приобрета́ю душе́вное спасѣние: мо́жеша бо вся, я́ко сущи́ Ма́ти всех Бо́га.

И ны́не: Иже душáм льсте́ц, привлече́ мя в погибельный ров: но мне простри́ держáвную Твою́ ру́ку, Богородице Дѣво, и ско́ро ко свѣту возведи́.

Песнь 3

Ирмос: Утверди́ нас в Тебе́, Го́споди, дрѣвом умерщвлѣй грех, и страх Твой всади́ в сердца́ нас, пою́щих Тя.

Во мно́гия впад разбо́йники, ока́янный, обнаже́н бых, уязвлен же и оста́влен: но Ты, Богородице Чи́стая, не прѣзри мене́.

Обнажи́ Ада́ма прѣжде змий, прельсти́в дрѣвом, ны́не же удо́бно плени́ ду́шу мою́: молю́ся Ти, Влады́чице, ущѣдри мя.

Слава: Ны́не Тебе́ моя́ приношу́ та́йная, и́стинней Предста́тельнице моей и покрóву: я́ко да сия́ мне не обличит Сын Твой, на Судѣ пра́веднем Своѣм.

И ны́не: Помилуй нас, Чи́стая, помилуй: и́бо от дел спасѣния отню́д несть нам. Те́мже вѣрою тѣплою к Тебе́ вопи́ем: помилуй рабы́ Твоя́.

Песнь 4

Ирмос: Пою́ Тя, слухом бо, Го́споди, услы́шах и ужасо́хся, до мене́ бо и́дещи, мене́ ищя́ заблуждшаго. Тем мно́гое Твое́ снизхожде́ние, е́же на мя, прославля́ю, Многоми́лостиве.

Боля́ща мя неисцѣ́льно, Влады́чице, и обни́щавша не прѣзри: но даждь ми елѣ́й

благости Твоея, Дево, и Твоими промысленными обогати мя, еже от Бога златом нетленным.

Добрых всех обнажись и лежу во злых, оболкся паче всех древе падших: и ныне прежними украси мя и вторых избави, Богоневесто.

Слава: Блудницу превзыдох в блудех, и мытаря лихоимством всегда, словом и изволением: но убо обою покаяние прежде конца стяжати ми, Владычице, сподоби.

И ныне: Водворись в пустыни печальней, удались от Тебе, Богородительнице, кто даст ми криле, и полещу, и прииду к Тебе, надежды моей, спасающей малодушие мене окайнного?

Песнь 5

Ирмос: Света Подателю и веков Творче, Господи, во свете Твоих повелений настави нас: разве бо Тебе, иного Бога не знаем.

Яко невечерний Свет от чрева Твоего, Владычице, сущим на земли возсиявший, смрадную душу мою озари, Чистая, и отжени всяку мглу сердца моего.

Ночь мя покрывает лютая лукавых моих и злых деяний, но вопию Ти, Владычице: настави мя к свету Божественному Твоего Сына и Владыки, Всепетая.

Слава: И мене приими, Чистая, якоже блудного сына прият Твой Сын и Зиждитель всяческих, вопиющего с ним: согреших воистину, и спаси мя, Владычице.

И ныне: Уязвившееся мое сердце прилоги лукаваго, Пречистая, яко милостива исцели, на Кресте плотию Уязвленного неизглаголанно рождши.

Песнь 6

Ирмос: В бездне греховней валяясь, неизследную милосердия Твоего призываю бездну: от тли, Боже, мя возведи.

В ров греховный впадох, и к незабывающему не взираю Богу, страхом одержимь: но к Тебе приметаюсь, Богоневесто.

Покрывшееся люте сердце мое неведомых прегрешений волною, всеильною Твоею молитвою, Богородице Дево, окорми.

Слава: Красоту мне видети славы Твоея сподоби, егда от плоти моея хошу разлучитися, яко утверждение мое, Владычице: да отсюду увем оставление.

И ныне: Напастей и бед и скорбей избави рабы Твоя, Святая Владычице, яже к Богу Твоими молитвами, верою к Тебе прибегающия.

Таже: Господи помилуй, *трижды.* Слава, и ныне

Седален, глас 2:

Тя величаем, Богородице, вопиюще: радуйся, жезле, от негоже безсеменно Бог прозябый, погуби на Древе смерть.

Песнь 7

Ирмос: Образу златому на поле Деире служиму, трие Твоя отроцы небрегоша безбожнаго веления, посреде же огня ввержени, орошаемы пояху: благословен еси, Боже отец наших.

Ныне тщится зияя враг прийти мя во утробу свою: ибо приношает ми отвсюду искушения и сети, весь пресекая спех мой: но предваривши, избави мя, Дево Мати, от того навета лукаваго.

Оскверняет и смущает чувства и ум сопостат, и в ров отчаяния свести мя тщится. Темже вопию Ти Единой: прибежище мое, Богоневесто, избави мя от руки сего

льстиваго.

Слава: Иже дрэвле три юноши от пэци горящия, Христэ мой, избавлэй, Сам, Слове, и менé мольбáми неискусобráчныя Мáтере Твоея от пламене, егóже разжегóх безмёрными злыми, избáви и ороси.

И ныне: Вéчно обрёт сёрдце моé тлитель, умертви ё: но Ты мя úбо силою Божественною одожди, неискусобráчная Мáти, и победити ми сподóби сего, яко да véрою зову Ти: Благословéнная, Яже Бóга плóтию рóждшая.

Песнь 8

Ирмос: В пещь óгненную ко отроком еврейским снизшэдшаго и пламень в рóсу прелóжшаго Бóга, пойте, делá, яко Гóспода, и превозносите во вся véки.

Многими злыми моими погорблén быв люте, множеством тягóт, и óко моé отнюд на небесá не смéю возвести, но вопию Ти: помилуй, Едина Богорóдице, менé пáдшаго.

В óньже впадóх гнев Твоегó Сына и Бóга, Чистая, избáви мя: и в час, в óньже хóщет творити испытáние, буди ми пóмощь, Пречистая, и от шуих кóзлиц избáви мя.

Слава: Умерщвлénнаго мя мýсленно от безчísленных моих зол, воздвигни Богоневéсто Отроковице: и мольбóю Твоею избáви мя от всякия прелести душетлénнаго врага и убийцы.

И ныне: Злонеисправленная душе, како очерни́ла еси́ зле пёрвую доброту? Како отвэргла еси́ вся, яже к Зиждителю Твоему́, обéты и прия́ла еси́ злóбная? Но гряди́ и притецы́ благочéстно к Богорóдице.

Песнь 9

Ирмос: От Бóга Бóга Сло́ва, неизречéнною мýдростию, пришэдшаго обновити Ада́ма, я́дию в тлéние пáдшаго люте, от Святы́я Дéвы неизречéнно воплотившагося нас ра́ди, вёрнии единомóдренно пéснями велича́ем.

Дéлы тяжкими чýства оскверни́х войистинну, и всего́ студодея́ния испóлнен есмь: но очисти́ úбо, Пречистая, вре́мя мне испроша́ющи благоуми́ления, да непрестáнно Тя велича́ю.

Ты мя, Богорóдице, оправда́й, егда́ явля́тся делá сокровéнная коегóждо я́ве, имаши бо войистину́ силу: и тмы́ мя избáви и во странé учини́ свéта молитвами Твоими́, идéже есть ра́дость неизглагóланная.

Слава: Молю́ Тя, Сло́ве, прэжде пришэ́ствия конца́ покая́ние ми да́руй тёплое, и умилéние слезáм, целомýдрие вку́пе и смире́ние, и любóвь Божественную, и ста́ду Твоему́ устроéние, мольбáми рóждшия Тя.

И ныне: Умных же и чýственных премину́вши, Дéво, сла́вою и чéстию, рáзве Бóга, не омерзи́ менé, премину́вшаго в прегрешéниях вéтхих же и нóвых человек, согрешших на землi: но Твоею́ молитвою́ спаси́ мя.

В СРЕДУ

Канон молебный Пресвятей Богородице

Песнь 1

Ирмос: Грядите, лю́дие, поим песнь Христу́ Бóгу, раздэльшему мóре и наставльшему лю́ди, я́же изведé из рабóты египетския, я́ко просла́вился.

Припев: Пресвятáя Богорóдице, спаси́ нас.

Иже благочéстно Тя, Чистая, сýщую Богорóдицу исповéдающаго душею́ и усты́, от лю́тых бед, и недúг и прегрешéний ны́не спаси́, Пречистая.

Всю в Тебѣ благодатей бѣздно лежащу увѣдехом: тѣмже прибегающе, Богородице, усѣрдно к покрову Твоему Божественному, спасаемся.

Слава: О нас, Тя поющих, Пречистая, моли Воплощеннаго от пречистых Твоих и честных кровей, избавитися от прегрешений и болезней горьких.

И ныне: Тя похвалу, вернии, вси стяжачом, прибежище и утверждение и радование, и душам спасение, надежду же и стену, Богоблагодатная.

Песнь 3

Ирмос: Утверди нас в Тебѣ, Господи, древом умерщвей грех, и страх Твой всади в сердца нас поющих Тя.

Молитвами Твоими, Чистая, Бога, Егѣже родила еси, подаждь благопрѣмenna Твоим рабѣм, притекающим к покрову Твоему, и верно кланяющимся Твоему Рождеству.

Глаголы моея молитвы услыши, Дѣво, из глубины моего сердца, яже приношу Ти, Препѣтая, и от страстей и напастей спаси мя.

Слава: Всю мою жизнь окорми, Дѣво, упование мое и предстательнице, искушений и наития¹ избавляющи, и нужных² Богоневѣсто.

И ныне: Премудрость Божию ипостасную на руку яко носивши, Богомати, от невѣдения и заблуждения избавитися нам молися.

Песнь 4

Ирмос: Услышах Господи, славное Твое смотрение, и прославих, Человеколюбче, непостижимую Твою силу.

Язвам моим душевным и плотским сквернам, Яже Бога рождающая, Владычице, разрешение подаждь.

Оскверненнаго мя страстьми, и помышлению, и жития треволнению, упованием, Дѣво, и верою утверди.

Слава: От наития избави мя, Мати Божия, и бѣды, и бед Твоими молитвами, Единая Препѣтая.

И ныне: Обуреваемая волнами житейскими, исхити, Дѣво, к Твоему пристанищу наставляющи мя.

Песнь 5

Ирмос: Свѣта Подателю и веков Творче, Господи, во свѣте Твоих повелений настави нас: разве бо Тебѣ, иного Бога не знаем.

Оружие непобедимое имущее на различная искушения вражия, всякаго озлобления избавляемся яже, иже Тя Богородицу Чистую ведущи.

Закона исполнение, вышшая херувим, родила еси Божия Слова воплощенна, Сына Единородна: Егѣже о рабах Твоих умоли.

Слава: Всяческих Творца на руку Твоею, Чистая, носящи, Сего нам Твоими молитвами благопрѣмenna давай, ныне всем сердцем к Тебѣ прибегающим.

И ныне: От утеснения и болезни души, мольбу приношу Ти, окаянный: щедрот Единая рождающая виновное Слово, ущедрив, спаси мя.

Песнь 6

Ирмос: В бѣздне греховней валяясь, неизследную милосердия Твоего призываю бѣздно, от тли, Бѣже, мя возведи.

¹ Нападения бесовского.

² Трудных, печальных (обстоятельств).

Спасения пристанище ведый Тя, пла́вая многопеча́льнаго жити́я мо́ре, призыва́ю, Влады́чице: окорми́тельница души́ моёй бу́ди.

Обнажи́хся оде́жды целому́дрия моего́, озло́блен быв, но, Ма́ти Присноде́во, Бо́га ро́ждшая, ра́дости оде́жду пода́ждь ми.

Слава: Чи́стаго жити́я отпадо́х, в ле́ности жив, стра́стный: но возведи́, Благослове́нная Влады́чице, повеле́нием Сы́на Твоего́ сочта́вши¹.

И ны́не: Ми́лости Твоея́, Богоро́дице, сподо́би мя, Преми́лостиваго Сло́ва поро́ждшая, Своёю кро́вию от тли челове́ки изба́вльшаго.

Таже: Го́споди поми́луй, *трижды.* Слава, и ны́не

Сеадлен, глас 2.

Подобен: Божественнаго быхом:

Божественнаго мя вхо́да, Чи́стая, сподо́би, моли́твами Твои́ми, Присноде́во, и соу́зы лю́тых страсте́й расто́ргши, пла́мене бу́дущаго мя свободи́.

Песнь 7

Ирмос: Образу злато́му на по́ле де́йре служи́му, три́е Твои́ о́троцы небрего́ша безбо́жнаго веления́, посреде́ же огня́ вве́ржени, ороша́еми по́яху: благослове́н еси́, Бо́же отец на́ших.

На Кресте́ пригво́ждься, Иже из Тебе́ воплотивыйся, Богороди́тельнице, Ада́мово раздра́ рукописа́ние: Его́же ны́не, Де́во, моли́ всякия́ зло́бы изба́виться ве́рою зову́щим: благослове́нная, Яже Бо́га плоти́ю ро́ждшая.

Наде́жда блага́я, засту́пница же ве́рных еси́, Влады́чице: и ны́не мо́лимся Тебе́ дарова́ти ми́лости пучи́ну всем на Тя наде́ющимся и зову́щим Ти: благослове́нная, Яже Бо́га плоти́ю ро́ждшая.

Слава: Тьмо́ю лю́тою жити́я объят быв, соскорбя́щаго и сболёзнующаго не обрето́х: Твоею́, Де́во, све́тлостию разреши́ тьму́ прегрешений́, и озари́ пети́ Тебе́, Благослове́нная, Яже Бо́га плоти́ю ро́ждшая.

И ны́не: В кра́сную оде́жду спаси́тельных за́поведей креще́нием оде́ваясь, очерни́х ле́ностию, ока́янный, ны́не же к Тебе́ притека́ю, Де́во, во оде́жду прося́ спасения́ Тобо́ю па́ки облещи́ся.

Песнь 8

Ирмос: В пещь о́гненную́ ко отро́ком еврейским снизше́дшаго и пла́мень в росу́ прело́жшаго Бо́га, по́йте дела́ яко́ Го́спода, и превозно́сите во вся ве́ки.

Изнемога́ет мой ны́не ум, во глубину́ впад безче́стия, яко́ отвсю́ду разли́чными объят есмь злы́ми: но Ты, Де́во, исцели́, безстра́стия све́том оде́явши.

Сто́лп крѣпости́ тверд, и степе́нь, и храните́льницу, и засту́пницу стяжа́вше Тя ве́рою, спаса́емся ны́не, пою́ще Рожде́ство Твое́, Пречи́стая, и превозно́сяще его́ во вся ве́ки.

Слава: Безсме́ртная зарю́, и исто́чник ве́мы Тя, Богоро́дице, яко́ ро́ждшую Сло́во безсме́ртнаго Отца́, вся от сме́рти изба́вляющее превозно́сящая Его́ во вся ве́ки.

И ны́не: Струи́ исцелений́ нам всегда́ ве́рным, Чи́стая, источа́еши, Его́же незави́стную благода́ть взѣмлю́ще, воспева́ем Рожде́ство Твое́, Чи́стая, и превозно́сим во вся ве́ки.

Песнь 9

Ирмос: От Бо́га Бо́га Сло́ва, неизрече́нною му́дростию, пришѣдшаго обнови́ти Ада́ма, я́дию в тле́ние па́дшаго лю́те, от Святы́я Де́вы неизрече́нно воплотившагося нас ра́ди,

¹ Т. е. сочетав снова чистому житию.

вѣрнии, единомудренно пѣсньми величаѣм.

Богоблаженная Отроковице, надежду мою всю усердно возложих на Тя: спаси мя, Мати истиннаго Живота, и пищи присносущныя насытитися моли, Чистая, верую Тя и любовью пѣсньми величающему.

Явльшися, Дѣво, Дверь Божественнаго Свѣта, души моея мглу свѣтом Твоим невещественным и блистанию озари, и от вѣчнаго огня избавитися ми сподоби Чистая, ходатайствы Твоими: яко да непрестанно величаю Тя.

Слава: Болящия зрящи душею и телом, и вверженныя в страсти лютыя, благоутробию Твоим, Владычице, исцеливши разреши, иже ныне стужаемыя печальми: да верую и любовью Тя пѣсньми величают.

И ныне: Во чрево Твое вселися, Егже из Чрева превѣчный Отец роди Сына, совершен бысть Человѣк, и источник благодатей Тя, Богомати, покажи нам, верно кланяющимся несказанному Твоему Рождеству.

В ЧЕТВЕРТОК

Канон молебный Пресвятей Богородице

Песнь 1

Ирмос: Во глубинѣ постла иногда, фараонитское всеобинство преоруженная сила, воплощенное же Слово всезлюбный грех потребило есть, препрославленный Господь, славно бо прославися.

Припев: Пресвятая Богородице, спаси нас.

Яко красную, яко предобрую всю, яко непорочную в женах, Бог Тя избра, и во утробу Твою вселися непорочную: Егже моли, Всенепорочная, порока грехов избавите вся поющия Тя.

Псаломски, Чистая, одесную, якоже Царица, от Твоея утробы возсиявшаго Царя предста: Егже моли, Всенепорочная, да деснаго предстателя покажет мя в День воздаяния.

Слава: Пресохшее естество человеческое безместными делы, рождающая Дождь Небесный, вся obnovi: темже молюся, души моея бразду изсохшую покажи плодотворно, Богоневесто.

И ныне: Умертвившися садом разума, древом же жизни, Чистая, к жизни вѣчной призвани быхом, от Тебѣ, Богородице, процветшим паче смысла Христом Богом: Егже со дерзновением моли спастися душам нашим.

Песнь 3

Ирмос: Процвела есть пустыня, яко крин, Господи, языческая неплодющая церковь, пришествием Твоим, в нейже утвердися мое сердце.

Облечися в мя человека, от чрева Твоего прошед Творец, Пречистая, нетления одежду даруя обнажшемуся многими злодействы.

Пречестное родила еси Бога Слово, Владычице: Егже прилежно моли ущедрити смиренную мою душу, сладостными безчестии сетующую.

Слава: Язвы исцели души моея, Пречистая, и смиренное сердце мое, огорченное ядом змийным, действенною Твоею лечбою уврачуй.

И ныне: Яко Мати, имущи дерзновение, Владычице, к Сыну Твоему, проси помощь озлобленным людем, беззаконных же низложит шатание.

Песнь 4

Ирмос: Пришел еси от Девы, не ходатай, ни ангел, но сам, Господи, воплощься, и спасл еси всего мя человека. Тем зову Ти: слава силе Твоей, Господи.

Каплю ми умилѣния одожди, Владычице, отъемлющи весь сердца моего вар, и печаль мою, и пакостныя прилоги отгоняющи.

Оружием мя сластным уязвлена и лежаща в ранах, Пречистая, не презри, но исцели копием и кровию распеншагося Сына Твоего и Бога нашего.

Слава: Обогащенная Владычним всяким зданием, люте мя обнищавша, благодати Божественныя сподоби: яко да величаю Тя, яко благую мою заступницу, Всенепорочная.

И ныне: Возсия из утробы Твоея, Отроковице неискусобрачная, Отчая Заря Христос, и просвети вселенную, распинаемь, и бесовскую тьму потреби.

Песнь 5

Ирмос: Ходатай Богу и человеком был еси, Христэ Боже: Тобою бо Владыко, к Светоначальнику Отцу Твоему от ноши неведения, приведение имамы.

Путь жизни рождающая, Пречистая, настави мя ныне на путь правый, в безпутие и в брег лютых падений безсловесно низриновеннаго.

Устраня без ума от разума Божия, блудно пожих, во стране дальней страстей заблудив: но возвращши, Дево Чистая, спаси Твоим утешением.

Слава: Водами Твоими животными напои раба Твоего, пламенем разжигаемаго греховным, и опаляемаго прилоги бесовскими, Дево Мати Пречистая.

И ныне: Се во чреве Богородице Пречистая, Христа Бога паче слова имела еси, якоже Исаиа провозгласи, и паче естества Сего, Богородительнице, родила еси.

Песнь 6

Ирмос: В бездне греховней валяясь, неизследную милосердия Твоего призываю бездну: от тли, Боже, мя возведи.

Не яви мене бесом в радость на судищи будущем, Владычице: но благопременно возревши на мя, Судию и Сына Твоего умоли.

Помыслы прогневав Тя, Господи, и лукавыми и нечистыми моими деяньми, в молитву привожду Ти Матерь Твою, ущедрив, спаси мя.

Слава: Осуждения избави мя, Владычице, самоосужденна суща прегрешеньми, яко Судию рождающая и Бога всяческих, Препетая.

И ныне: Иисуса Спаса моли, Егоже паче естества плотию родила еси, Дево Мати Пречистая, избавитися от бед рабом Твоим.

Таже: Господи помилуй, *трижды.* Слава, и ныне

Седален, глас 2.

Подобен: Милосердия сущи:

Дева и Мати Твоя, Христэ, на Древе зрящи Тя мертва простерта, плачущи, горько глаголаше: Сыне Мой, что странное сие таинство, всем даруй жизнь вечную, волею на Кресте како умираеши смертию поносною?

Песнь 7

Ирмос: Богопротивное веление беззаконнующаго мучителя высок пламень вознесло есть: Христос же простре благочестивым отроком росу духовную, Сый благословен и препрославлен.

Крепость моя и пение, и спасение, и твердое заступление, и стена непобедима сущи, Владычице, борющая мя бесы победи, присно ищущия умертвити мя.

Бога воплотивши девическими Твоими кровьюми, обожила еси, Дево, человечество: темже молюся Ти страстьми оскверненнаго мя и растленнаго вражиими коварствы

избáви моли́твами Твои́ми.

Слава: Пещь прообразовáше Рождество́ Твое́, Всенепоро́чная, óтроки бо не опали́, я́коже ни ложесна́ Твоя́ Огнь непостоя́нный: те́мже мо́лим Тя, избáви рабы́ Твоя́ огня́ вéчнаго.

И ныне: Пречи́стое зача́тие и нетле́нное Рождество́, Ты Еди́на явила́ еси́, де́вою пребы́вши: Христа́ бо заче́нши, Чи́стая, над все́ми Бо́га, Челове́ка бы́вша, ве́рным на спасе́ние и избавле́ние.

Песнь 8

Ирмос: Пещь иногда́ о́гненная в Вавилóне де́йства разделя́ше, Бо́жиим велéнием халдéи опаля́ющая, ве́рная же ороша́ющая, пою́щая: благослови́те, вся дела́ Господня́, Го́спода.

Ревну́й до́брым, злых уда́льшися, попече́нием Божéственных де́яний, душе́ моя́, моля́щуюся о Тебе́ Богороди́тельницу и всех непосты́дную иму́щи заступни́цу, я́ко ми́лостиву и благолю́биву.

Разрешила́ еси́ соу́з челове́ческий дрéвняго осужде́ния: те́мже молю́ Тя, Богороди́тельнице, разреши́ всяк соу́з зло́бный се́рдца моего́, связа́вши мя, Пречи́стая, Божéственнойю любóвию Зижди́теля.

Слава: Сла́вы Отчую́ Зарю́ рóждши, Богороди́це, безсла́вием прегрешéний сéтующее се́рдце моё́ уясни́ и сла́вы присносу́щныя покажи́ мя причáстника, я́ко да ве́рою сла́влю Тя.

И ныне: Яви́ся нам из Тебе́, Богороди́тельнице, пра́вды и́стинное Со́лнце, просвещáя вся́ческая лучáми Божества́, вопло́щся Вы́шний, Егóже песнослóвим.

Песнь 9

Ирмос: Безнача́льна Роди́теля Сын, Бог и Господь, вопло́щся от Дéвы, нам яви́ся, омрачéнная просвети́ти, собрати́ расточéнная: тем всепéтую Богороди́цу велича́ем.

Вкуси́в Ада́м снедь, примéсную смéрти, от дрéва гóресть объя́т: на Дре́ве же пригво́ждься, Сын Твой, Пречи́стая, сла́дость безсмéртia источи́: сего́ ра́ди Тя восхваля́ем.

Цари́ца еси́, Царя́ Христа́ и Го́спода па́че сло́ва рóждши, разóршаго áдова ца́рства: Егóже приле́жно моли́, О́трокови́це, вы́шняго Ца́рствия сподóбити вся чту́щая Тя.

Слава: Ублажи́, Влады́чице, смире́нное се́рдце моё́, озло́бленное сла́стными затво́ры, я́ко Благо́го Роди́тельница, и Благо́я су́щи вся: и к пока́нию мя благих дверéй введи́.

И ныне: Мертв быв на Крест возно́симъ, сим умори́вый зми́я. Те́мже зову́ Ти: умерщвле́нную ду́шу мою́ лука́выми де́лы, поми́луй, Сло́ве, и оживи́ моли́твами Рóждшия Тя.

В ПЯТОК

Канон молебный Пресвятей Богородице

Песнь 1

Ирмос: Гряди́те, лю́дие, по́йм песнь Христу́ Бо́гу, раздéльшему мо́ре, и наста́вльшему лю́ди, я́же изведе́ из рабо́ты египетския, я́ко просла́вился.

Припев: Пресвята́я Богороди́це, спаси́ нас.

Жи́зни исто́чник еси́, Де́во Ма́ти Чи́стая, Нача́льника и Го́спода рóждши, Жи́знь вся́ческих, ороша́ющи ве́рою славосло́вация Тя.

Тя утвер́ждение и предста́тельница, обогáщшеся, има́мы, и́же Богороди́цу, Пречи́стая, испове́дающи Тя, от трево́лнения жити́я, Всенепоро́чная Де́во, спаса́емся.

Слава: Яже Источник безсмертия рождши, уязвленого мя страстьми, Отроковице, исцели и огня вечнаго исхити, Единая Богоблагоданая.

И ныне: Яже верным прибежище, Приснодево, державная помощь притекающим Ти, от всякия нужды и вреда сопротивнаго нас спаси.

Песнь 3

Ирмос: Утверди нас в Тебе, Господи, древом умерщвлей грех, и страх Твой всади в сердца нас, поющих Тя.

Златую яко воистинну кадильницу, и стамну манны, и Божественную гору, и палату прекрасну Божию, Тя, Дево, именуем.

Церковь и священное жилище Слова сущи, Богородице, прегрешений очищение буди мне присно, Пресвятая Дево.

Слава: Ни язык землен, ни ум безплотных возможет Рождество Твое сказати: паче естества бо и смысла, Богородице, Зиждителя родила еси.

И ныне: Утверждение буди и прибежище и покров, Дево Богородительнице, верою к Тебе прибегающим, и Божию Тя Матерь исповедающим.

Песнь 4

Ирмос: Услышах, Господи, славное Твое смотрение, и прославих, Человеколюбче, непостижимую Твою силу.

Тя, Богородице, стяжанием христиане помощь велию, от лютых бед нас исхити.

Неискусобращная Владычице, Яже Бога во утробе зачениши, напастей и печалей всех нас избави.

Слава: Непобедимую стену Тя и державную надежду Богородице, вернии стяжанием в напастьех Чистая.

И ныне: Молитву Твою, Владычице, яко тверд степень стяжавше, различных скорбей избавляемся.

Песнь 5

Ирмос: Света Подателю и веков Творче, Господи, во свете Твоих повелений настави нас: разве бо Тебе, иного Бога не знаем.

Воплощенна из Тебе, Богородительнице, вернии познахом, без семене Сына рожденна, Бога истинна, и Человека естеством: темже Тя славим.

Под кров Твой и заступление, Пречистая, вернии всегда прибегающе верою, избавляемся Тобою, Богородице, всякаго тяжкаго нашествия.

Слава: Избави нас от напастей и бури помышлений, Пречистая, всякаго гнева, всякаго греха, глады же и губительства, и вечнаго, Дево, мучения.

И ныне: Заступница наша и спасение и надежда, Владычице, христиан сущи, спаси любовьию Тя присно верно воспевующих, Дево Всепетая.

Песнь 6

Ирмос: В бездне греховней валяясь, неизлечную милосердия Твоего призываю бездну: от тли, Боже, мя возведи.

Иже волею вся содеваяй, в ложесна Неискусобращныя волею вселився, тлею болящия нетлением обогатив, яко Милосерд.

Вышша Вышних Сил и святейша еси, Всенепорочная, паче естества вмещши неместимое Слово в ложесна Твоя.

Слава: На пути жития заблужденнаго мя и безпутием часто падающа во гресех, Владычице, к покаяния стезям настави.

И ныне: Не презри, Чистая, мольбы наша, на Тя положших надежду раб Твоих:

прибѣжище бо, Владычице, и душам очищение еси.

Таже: Господи помилуй, трижды. Слава, и ныне

Седален, глас 2:

Слово без семени зачала еси, Сына же Единого Христа родила еси: Ты бо роди ново Отроча, Зиждителя Твоего. Тем Тя, Богородице, величаем.

Песнь 7

Ирмос: Образу златому на поле Деире служиму, трие Твоя отроцы небрегоша безбожнаго веления, посреде же огня ввержени, орошаеми пояху: благословен еси, Боже отец наших.

Отцу соестественна разумнаго Сына, силою Духа Пресвятаго воплотила еси, Богоблагодатная Владычице. Сего убо непрестанно моли ущедрити поющая: Благословенная, Яже Бога плотию рождающая.

Дева Чистая, неискусобрачная, Святаа Благословенная, падающих исправление, согрешающих избавление: спаси мя, блуднаго, спаси, Сыну Твоему зовуща: Благословенная, Яже Бога плотию рождающая.

Слава: Пристанище твердо, предстательница страшна и стена неборима в нуждах бедствующим и обуреваемым в печали, и яже к Сыну Твоему молитвами, Богородице, сущи, от многообразных искушений спаси рабы Твоя.

И ныне: Яже Едино упование и помощь верных, Богородительнице, потщися помощи рабом Твоим, погружаемым скорбми, отсюду недоумеемым, и в болезнях сущим, и прибегающим к Тебе любовью души.

Песнь 8

Ирмос: В пещь огненную ко отроком еврейским снишедшаго и пламень в росу преложшаго Бога, пойте дела, яко Господа, и превозносите во вся веки.

Живый сущий источник, яко Воду жизни рождши, душу мою, истаявшую греху пламенем, Дево Богородице, ороси, да Тя славлю во вся веки.

Умерщвленных и к персти смертней и тленней сведенных, возставила еси Единая, Начальника жизни рождши, Христа Бога нашего, Владычице, Дево Чистая и Благословенная.

Слава: Избави мя, Владычице Чистая, вечнаго огня и осуждения, и изми мя от человек злоторящих и ищущих запяти¹ мне: яко да ублажаю Тя присно, Юже вся тварь Божественно ублажает.

И ныне: В подобии плоти Пребожественный из Тебе виден бысть, Чистая Дево: Егоже непрестанно моли помилovati нас, в злобе живущих и трепещущих вечнующаго мучения.

Песнь 9

Ирмос: От Бога Бога Слова, неизреченною мудростию, пришедшаго обновити Адама, ядию в тление падшаго люте, от Святыя Девы неизреченно воплотившагося нас ради, вернии, единомудренно песнями величаем.

Человеколюбия Божественнаго сподоби мя, Отроковице, Яже Единая Человеколюбца Бога плоть от Тебе взаимовавша, и неизглаголанно рождающая, избави мя будущаго пламене и муки всякия, любовью Тя славящаго.

Яко крепкую заступницу, яко надежду и стену и основание, и покров тверд, и

¹ Препятствовать на пути.

непобедимо утверждение, и небурно пристанище, и единоедержавное прибежище
стяжавше Тя, вси спасаемся, Препетая.

Слава: Светородительнице Деве, души моея облаки отжени: и подай чисто узрети
Владычице, спасительную доброту, возсиявшую неизглаголанно из Твоея
Пресвятыя утробы, во свет языков, Препетая.

И ныне: Свет рождающая Божественный, многими страстьми наведения
помраченное сердце мое, и помысл очуждающих, просвети, Отроковице, каплю ми
подающую присто слез, скверны греха, Деве, очищающую ми.